


FRANCISCI NICOLAI
INTER ARCADES
ABEDONIS MESSENI
I N

D. VENERANDAM
V., & M.
HYMNVS.




17
ROMAE MDCCCLVI.
EX TYPOGRAPHIA PALLADIS
SUPERIORVM FACVLTATE.



COMES CASTRVCIVS
BONAMICVS

FRANCISCO NICOLAO
S. P. D.

ICOLAUM Angelium, cum ego per se juvenem bonarum artium studiosum & saepe video & & libenter, tum etiam libentius, quod sermones multos, mihiq; suavissimos de te habet, qui plerumque ad ingenium pertinent, doctrinam, atque humanitatem tuam. Facit enim nostra vetus amicitia, nullumque, dum Romae eramus, abs te officii erga me, studiiq; munus praetermissum, ut tuis valde laudibus delecter. Quod vero nuper ad me tuum de Diva Venere Carmen ille attulit, itaque mecum est loquutus, ut probè intelligerem laborare te, ne meum de eo carmine iudicium Tibi denegarem, duplici me voluptate cumulavit. Nam & jucundum mihi fuit carmen legere aureum, optimaque imitationis, & elegantis ingenii luminibus respersum, te denique dignum: & audire quanti me faceres, quem unum maxime ad iudicandum vocasses de eximio Poemate, non potuit non esse gratissimum. Equidem existimo in tanta bonorum Poetarum paucitate summam Te in illo Carmine consequi famam optimi Vatis, quam etiam non mediocrem esses consequutus, si Lucretii Virgiliiq; florerent. Quanta enim in inveniendò prudentia, atque amoenitas! Quam perspicuus rerum Ordo! Quam non ineptus Verborum ornatus! Nihil praeterea non Latine, nihil non dictum magnificè; ut argumentum non satis illud quidem copiosum, & gran-

& grande apta tui Carminis , & varia compositione vim quandam , atque ubertatem assequatur . Neque istud mihi mirum esse debet , qui tuorum studiorum sensum & rationem jampridem noverim ; rarum potius videri debet , cum temporum nostrorum in optimis studiis negligentiam considero , & quam non dico exiguis , sed nullus jam sit fructus laborum egregiorum . Quae quidem negligentia Gothorum etiam barbarie peior invalit nostra , aetate omnium fere animos : nam haec profectò non deformat , quemadmodum illa fecit , sed omnes extinguit bonas artes . Quotus autem quisque est quin his temporibus malit sedere inglorius in ocio , quam studiis , ut ajunt , non profuturis aetatem conterere ? Quasi non plurima possent ex iis in omnem vitam , hominumque societatem , vel adjuncta , vel ornamenta redundare . Atqui hac socordia factum est , ut liberales ubique disciplinae contemnuntur , & jaceant ; ut omnes gentes , & nationes mentis atque animi robore delibato jam , atque infraeto , ad turpissimam delabantur ignaviam . Quae quidem sentiendi , vivendique pravitas , si radices egerit , nullus erit virtuti locus , & virtute sublata magna necesse est in republica consequatur perturbatio rerum omnium . Sed haec illi viderint qui omnia ad se pertinere putant : neque est cur iis tam praeclaras opes invidemus ; modo illud nobis relinquant , ut in nostris studiis liberè acquiescamus , fructusque ex iis percipiamus honestissimos , quorum usus , ac delectatio omnibus istorum est & Regnis , & voluptatibus anteponenda . Itaque & tu me , si quando erit otium a militia , in qua Caesares , & Xenophontes hoc frustra tempore requiras , referre videris ad mansuetiores Musas , & ego te valde fortunatum judico , qui in solitudinem quandam secesseris , ubi non videas homines ignavissimos , quasi de aliquo illustri facino-

cinore , gloriari de contemptu Literarum , & habeas jucundissima subsidia senectutis rusticationem , & Musas . Magnae etiam voluptati tibi esse debet in iis te esse locis , in quibus magnos olim Viros magnaeque sapientiae fama praeditos accepimus esse versatos : & facis tu quidem , deducta Arcadum poetarum Colonia , excitatisque tuorum Civium ingeniis , ut Locri tui antiquissimae laudis renovatione gaudeant . Reliquum est ut mihi gaudeam , quod in tanto temporis & locorum intervallo non penitus exciderim memoria tua , tibi que verò gratuler , quod in literato ocio vivere liceat , teque horter , ut ea proferas in lucem , quae tuae sint patriae ornameto , tuisque amicis voluptati ; mihi praesertim , qui & vetustate amicitiae , & similitudine studiorum in te amando , colendoque , vel omnibus anteeo , vel nemini quidem cèdo . Vale .
Neapoli iv. kal. Octobris .



APPROBATIONES.

Quem Vir cl. Comes Castruccijs Bonamicus probavit ; aureoque Latinorum Poetarum seculo non indignum pronuntiavit Francisci Nicolai de Veneranda Virgine sanctissima Hymnum, verbis amplioribus ornare supervacaneum prorsus existimo : quod enim illi, cujus latine scribendi tum carmine, tum oratione, ut ajunt soluta, tanta est laus, & apud omnes fama, probatur ; id optimum, atque præstantissimum esse, nemo non judicabit. Quod itaque ad me pertinet, nihil vel in eodem Hymno, vel in altero, quod *Carmen Annale* inscribitur, adversus Fidei, Morumque leges inveniri assermo ; proptereaque sentio typis vulgari posse, atque debere.

Ex Coenobio FF. Praedicatorum ad Minervae Kalendis Septembris An. MDCCLVI.

Fr. Dominicus Vincentius Maria Bertucci
Ord. Præd.

FRANC. NICOLAI
IN
D. VENERANDAM V. & M.
HYMNVS.

te te Diua cano Venus o fortissima Virgo :
E *Tertia quandoquidem post Christi funera , postque*
Adscensum magnae caeli super ardua Matris ,
Sunt sacra Maenalis tua nunc celebranda colonis .
Anne alios aliàs laudaui carmine saepe ,
Non Divos modo , uerum homines ; & plurima lusi ;
Teque sinam nostris illaudatam ire camoenis ?
Nec pudeat tacitum de te exaudire carentes ,
Quis vnus voluique prior , valuique per artem
Sternere iter ; Cyrrhaeque sacros aperire recessus ?
10 *Quin mea iandudum Virgo pietasque , fidesque*
In te te , ac patriam , mihi quae carissima semper
Exitit , exiguum quamuis hoc muneris esset
Musaei nostrum , patriaeque , tibi que petebant .
15 *Illa etenim , sese licet inter tollere possit*
Illustres vrbes , uno nec nomine ; belli ,
Pacisque studiis quae florentissima , verè
Quod Sagra , pugnatae ac magnae terraeque , marique
Pugnae , totque manu declarant oppida capta :

A

Artibus

Artibus atque bonis exculti pectora ciues 20
 Omnibus, & rerum juxta, vitaeque magistri;
 Primaque descriptis quae legibus usa feratur:
 Quaeque potens opibus, faelicis & ubere glebae,
 Laetaque, tam pura caeli miraque fruatur
 Temperie, ut nulla externi contagia morbi 25
 Senferit, aut pecudum, aut hominum unquam pestilitatem,
 Haud ulla re alia mage se effert, luminibusque
 Cuiusque ipsa sibi populi obstruxisse videtur,
 Quam quod se genuit Virgo, hinc, hinc illa superbit
 Verius, intonso viridis quam Nyssa Lyaeo: 30
 Quàm Ioue Creta suo: quàm candida Apolline Delos.
 An verò nostris abs tete gloria rebus
 Parua venit, quae agitante Deo, primaque inuenta
 Praeclarum adgressa es facinus, nullique priorum
 Ante, nec auditum unquam post venientibus annis; 35
 Quum primum excedens patrijs e finibus, vrbes
 Itala quot tellus, quot Trinacris in sula aiebat,
 Graeciaque insignes illo tunc tempore, adisti?
 Quum magno in populi conuentu animosa virago
 Vnumque, Trinumque Deum, aeternique tonabas 40
 Ore Patris Gnatum unigenam: qui labe parentis
 A primâ infectos, proprio nos Sanguine lauit,
 Obstructasque fores cunctis patefecit Olympi?
 Quaeque sit im, tristemque famem, quae vincula, & ignes
 Non

Non dubitas perferre , & triste subire tyranni
 Immanis ferrum , fortique occumbere morti ?
 Sed praeſtat rerum cauſas euoluere primum ,
 Ac memorare tui quibus acti o Virgo parentes
 Auspicijs , Locros vnā , praeque omnibus vnā
 Optarint ſedem , memoriq̃ haec tradere chartae ,
 Plurima quae fuerant caeca iam nocte ſepulta .
 Tu modo Diua ſaue , atque orſus ne deſpice noſtros .
 Principio , vt perhibent , Agatho , pulcherrimus vnus
 Qui fuit Inſubrum iuuenis , gentiſque togatae ;
 Hippolyteque , Padi inter formoſiſſima nymphas
 Quae fuit vna , genus decores & ſanguine clari
 Romulidum : virtute pares , Chriſtiſque initiati
 Ambo ſacris , firmo & coniuncti foedere amoris ,
 Moerentes multum , quod adhuc haud ulla daretur
 Coniugio in ſterili proles , quae nomen auorum ,
 Fortunaſque domus poſſet inuenta tueri ;
 Iſe parant peregrè magnas inuiſere ad vrbes
 Italiae , valeant aliqua ſi auertere curam ,
 Vincere ſupplicibus vel Diuum numina votis .
 Ergo iter ingreſſi , quamuis contendere mens ſit
 Ad Septemgeminæ quamprimum Moenia Romae ,
 Non adeo properant tamen , vt nouitatis amore
 Multa prius nolint circum oppida perluſtrare ,
 Et loca , quae veteri ſint fama , aut clara recenti .
3
45
50
55
60
65
Plu-

Plurima perque viam passim virtutis ubique 70
 Dant exempla bonis dictis, factisque benignis.
 Aeternam donec veniunt Mauortis ad Urbem.
 Hic vero vestrum, defunctaque corpora vita
 Cura fuit primum venerari, bustaque largo
 Spargere flore Petre, & Pausle o clarissima terrae 75
 Lumina, & ò iidem clarissima lumina caeli.
 Sed neque vestra, boni, hic complentur vota. Sat urbi
 Est decoris rerum dominae, fideique cathedrae.
 Ex vobis, sobole & vestra decus omne futurum
 Vult nostrum Pater omnipotens, Locrisque referuat. 80
 Ergo post aliquot conversis orbibus annos,
 Postque fatigata incassum prece numina Diuum,
 Haud spe dejecti excedunt, atque Appia calcant
 Strata viae; populosque iuuat, clarasque videre
 Vrbes, quotquot alit felix Campania, quotque 85
 Praecipuas superum mare continet, infernumque.
 Te magnae imprimis Romae Capua aemula quondam
 Mirantur, tantum nunc sorte, animisque minorem:
 Calcidicaeque adeunt Cumas; ac, pallida Diris
 Ostia quae fingunt; graveolentia stagna, tepentes 90
 Fontibus & Bajas; ac magnum Cratera sepulchro
 Nobile Parthenopes: & circum rura beata
 Cernunt, bis laeto vernantia flore quotannis.
 Hinc excedentes Hirpinus, & Appulus, & mox

Exci-

Excipiunt Calabri . Gaudent vidisse tot urbes ,
 Et Rhodias Ennī cūnas ; natoque Tarentum
 Arebita tumidum ; Sybarimque , Crotonaque luxu
 Ab nimio euerfas ; & nauifragum Scylacaeum .
 Atque hinc conuerſi ad dextram naualia ſpectant ,
 Quaeque mei aedificant Vibonis tecta Locrenſes .
 Jamque procul Lipare Cyclopium exefa caminis .
 Vertice ſe attollit candenti , altumque remugit ,
 Et freta Sicaniae apparent , & ſaxa Pelori ,
 Aetnaque terrificas voluens ſuper aſtra fauillas .
 Scyllaeo & longe reſonantia ſaxa latratu :
 Feliceſque agros , & moenia Rheginorum
 Tranſgreſſi , tandem ſcandunt iuga montis , ad auſtros
 Qui ſpectans pelago excurrit , Zephyriusque vocatur .
 Et jam ſumma tenent ; ſpecies pulcherrima rerum
 Quum ſubito eſt oblata oculis , ut corda tuendo
 Expleri nequeant ; inhibent curſum ergo , reſiſtuntque .
 Aequora proſpiciunt dum puri ingentia ponti ,
 Aequora & ingentis curuato litore campi ,
 Atque rates , claſſem , prope ſub portuſque jacentes .
 Sed nihil eſt viſo illorum mage quo capiantur
 Lumina , quàm tumulo adſurgens vrbs magna virenti
 Adcenſu facili , hinc quae cingitur Appennino ,
 Et maris hinc propiùs ſubjectis clauditur vndis .
 Talia perſtabant ſervantes : grandis & ecce

Aduorsum noua forma viri properare . Senecta 120
 Ille gravi incuruus , propexam & pectore barbam
 Canamque effusus , macie confecta saligno
 Sustentat baculo membra , & vestigia firmat .
 Qui prope ut accessit , totam intuitusque cohortem est ,
 Admirans , ambas sustollit ad aethera palmas , 125
 Ac ea voce refert : Nempe haec Pater optime Diuum ,
 Haec erat illa dies , quam me sperare iubebas :
 Agnosco ora virum , cultusque , habitusque , viat
 Et comites , quae iam , te monstrante , omnia noram .
 Nam quid ego dubitem , ex hac nunc concedere vita , 130
 Quum video extorris patria , longeque remotus ,
 Tempore post tanto , tam dulcia pignora , Christo
 Quae peperì ? quid enim viuens hic amplius optem ?
 Haec ille , ast primos Agatho , Hyppoliteque loquentis
 Vix aure accipiunt sonitus , quum protinus horrent , 135
 Perculsi subita nouitatis imagine mentem :
 Attonitique senem sublimi a vertice ad imos
 Nunc lustrare pedes oculis , & membra notare
 Grandia ; conuersi sese nunc saepe tueri ;
 Nunc illum rursus ; nunc & se mutua rursus : 140
 Exiliut tandem , lacrymisque ita fantur q'ortis :
 Verane te facies offers ? falsa an nos ludis imago
 Flore pater ? viuifne ? tot ecquis enim superare pericla
 Te valuisse putet , tantum te degere & aui ?

Hic

Hic Florus : vino certè , mibi credite : namque 7.
Diluuiis ex illo ut fugio , dirique Neronis 145
E manibus , saltusque peto , latebrasque ferarum ;
E monte in montem , quartam post denique messem .
Huc venio , sistoque gradum , quod nulla daretur
Ultra tendere iter , pelago obfistente , facultas . 150
Verùm iucunde tamen hic mea vita fluebat ,
Quod latè circum populi plerique fideles
Inuenti , Sociique boni : Nec cura coquebat
Me nimium vestrorum , postquam caelituum rex
Per visum haud semel admonuit , quandoque futurum 155
Ut vos Ausoniae extremo hoc in litore laetus
Laetos adspicerem , prole & divinitus auctos ;
Qua decus illa nouum inueniat , quam cernitis urbem ,
Inueniantque nouis caelestia regna triumphos .
Quin nocte hac , fateor , cessit quae proxima , visi 160
Vos mibi per somnum hic loci ibidem occurrere eunti ;
Visus & insigni iuuenis forma , meus esset
Qui comes , apprehidisse manum , talesque dedisse
Ore sonos : Flore , ecce tui Flore o tibi fratris
Filius ; ecce ejus simul & sanctissima conjux , 165
Iustus amor tuus ambo , tua & iustissima cura .
Cum dicto & somnus , noctisque recessit imago .
Quare agite o alacres , testis succedite Locrum ;
Quandoquidem huc vos fata vocant , & numina Sancta :
Nam

Nam vos ponè sequar capita o dulcissima , & illic 170
 Erroresque viae vestros , casusque docebor .
 Dixerat . inque pios certatim saepe ruentes
 Amplexus miscent lacrymas , atque oscula miscent .
 Et jam laetitiae finis sit nullus , ab altis
 Ni moneant longè fugientes montibus umbrae . 175
 Ergò discedunt . Soliti vicina tugurj
 Tecta petit Florus , primo excursurus ad urbem
 Mane die : cui longa nimis nox illa futura .
 Rursus equos alij inscendunt , stimulisque fatigant ,
 Donec conficiunt iter , & data moenia , Diuis 180
 Auspiciis , subeunt , requiem , finemque laborum .

Quis non officio credat tunc mutua nostros
 Certasse , hospitibus possent quò talibus esse
 Sese homines lautos , comes , facilesque probare ?
 Quin adeo & cuncti illos admirantur , amantque , 185
 Hoc vulgo obscurum quod haberent carmen in ore :
 Vate sed incertum quo , mortaline , Deone :
 Galla genus partu Locros aequabit olympo .
 Quamuis multo erat Hyppolite prouectior annis
 Jam tandem , quàm dulce viro ut patris addere nomen , 190
 Et sibi iucundum speraret matris apisci .
 Naturae at leges frangit , quas ipse rogavit
 Saepe Deus , sua vult quoties notescere facta .
 Quod modò sit : Senior subito nam denique turget

Hyppo-

Hyppolite ; inque dies mage jam gestare videtur 195

Ipsa sibi , & pondus sentit , sentitque moueri .

Et vaga jam decies Phoebe repararat eundo

Cornua : vitales editque in luminis oras

Perpulchram facili partu miroque puellam :

Rura etenim memorant (quod ruri nata puella est) 200

Disclusisse sinu passim calthasque , rosasque ,

Lilia , & omne genus flores : latèque repente

Dulcisonis circum completos cantibus agros .

Quam Sacris postquam lymphis de more Sacerdos

Conceptis lauit verbis , venere frequentes 205

Matres , atque patres , pueri , innuptaeque puellae

Visere , & acceptam prolem genitoribus ipsis

Gratari . Et iam Florus adest laetissimus vnus ;

Atque Parascenè , Graeci quam nomine dicunt ,

At vero Ausonii Venerem , & Veneram , & Venerandam , 210

Sustollis manibus , stringitque ad pectora raptim .

Adflatusque adeo caelesti est numine quando ,

Fortia facta canit , magnosque ex hoste triumphos .

Non haec aut lanae digitos , telaeue , canebat ,

Non picturatis assuescet vestibus auro ; 215

Et non compta comas , ac multo languida cultu

Connubia optabit fortis mortalia virgo .

Quos haec non populos , quas non peragrauerit vrbes

Virtute , eloquioque potens , & fortibus ausis

Plena Deo ? quanta & victrix non damna cocytho 220
 Intulerit ? quos non exhausserit una labores ;
 Usque suo decoret nostros dum funere Gallos ?
 Quis mage lactati dictis Agatho , Hyppoliteque
 Tot promissa suo Diuos uti numine firmant ,
 Orant , & grati cumulant altaria donis . 225

Nec minus interea genitorum absimitur omnis
 Intete cura o Virgo : neque corporis illi
 Tam spectant bona ; uti sis scilicet ipsa superstes ,
 Quam quae sunt animi ; nempe ut sis relligiosa ,
 Atque pia in primis , recte de numine Sancto 230
 Quò sentire Dei valeas , castumque adhibere
 Caelitibus cultum , quae est certè homini sapientia prima .
 Tum vero ut potuit primum apparere per annos
 Ingenium sublime tuum , tuaque ignea virtus ;
 Naturam & tibi natus amor cognoscere rerum , 235
 Doctrinasque , artesque bonas tum velle doceri ;
 Doctorum extemplo tibi facta est copia , nostra
 Quae facilis fuerat res urbe altrice sophorum .
 Hortos ergo brevi Sophiae spatiosa repostos ,
 Discis uti prognata Chaos antiquissima rerum 240
 Materies , pulchri speciem ut vidit , amarit :
 Cui coniuncta thoro discordia miserit alua
 Corpora prima : immensum quaeis per inane volutis
 Extiterit tellus , & pontus , & ignis , & aer .

Qui

Qui loca captarint propria , & mage commoda cuique . 245

Hinc , aether quotquot lucentia sydera pascit ,

Esse ; hinc humanum genus : hinc genus esse ferarum ,

Aera quot , terrasque colunt , pelagusque profundum :

Hinc arbusta , hinc & segetes , & pascua laeta ;

Discis & vnde salis verrentes aequora venti , 250

Vnde sis & tonitru , & nubes , & fulgura , & imbres ,

Terraique tremor , fontes , atque omnia demum ,

Quae fieri caeca ratione videmus in Omni ,

Auctoremque Deum , qui tot molitus amore ,

Tantaque nostrorum est , ac illa tuesur , adoras . 255

Et numeros tentas , mensurasque : addis & artem ,

Apè qua valeas , ac dicere Virgo disertè :

Voluere & omne iuuat scripti genus : omnia & hauris

Quae bona , quae vero sint convenientia . Sacros

Atque adeo libros rapis , His noctesque diesque 260

Aduigilas , mira pectus dulcedine tacta :

His etenim manifesto se Deus ipse reuelat ,

Naturamque aperit rerum , quae nocte sepulta

Perpetua fuerat , nosque his nos nouimus ipsi ,

Et quae , morte obità , nobis sunt regna parata ; 265

Regna Patris summi , aeterna queis pace fruamur ,

Hinc celebris circum Grajas it fama per vrbes ,

Vnam te esse Locris , cuius sapientia tanta

Sit , quantam prior vlla aetas non viderit unquam ,

Non videat praesens. Vnam te praedicat esse, 270
 Cui gravitas, cui relligio, pietasque, tenaxque
 Integritatis amor, cui excellens forma, puellam
 Haud ullam sinat esse parem, sinat esse priorem.
 Quot iuvenes ergo, claro qui Sanguine creti
 Essent, te thalami sociam optauisse putarim? 275
 Quot foribus suspensa tuis & floreaserta?
 Quot tua flebilibus per multam limina noctem
 Insonuisse elegis? matres & denique honestas
 Te quaesisse nurum? Nihilum tamen ipsa moueris
 Vet prece, vel fletu, castum stat corpore florem 280
 Caelesti Sponso, ac mentem seruare pudicam;
 Aeterno captam qui te sibi iungit amore;
 Cui aeternum primis sacras te paruula ab annis;
 Cuique placere studens vni, mortalia temnis
 Omnia prorsus: consilio & persistis in illo; 285
 Quum primum terrae mandaueris ossa parentum
 Officio defuncta pio, non amplius aeuum
 In Patria terere incassum: sed longius ire
 Semotas terras, ac barbara regna petitem,
 Dummodo per sponsum liceat, praeceptaque vitae 290
 Latius, atque crucis vexillum ferre per Orbem.
 Haud tamen interea magno sine foenore soles
 Virgo tibi pereunt. Veri nunc tramite certo
 Monstras nempe viam: omnigenae & praecepta frequenti
 Turbae

Turbæ auditorum doctrinæ tradis : honesti
Nunc speciem sic fingis , uti capiantur amore
Eius , & haud peccent quidquam in diuosque , homine,
Nunc vatum sacra dicta , arcanaque sensa recludis :
Antiquasque doces in Christo rege figuras
Impletas omnes , partem cunctisque salutem . 300
Nunc siquid dictum asperius , factumque proteruè
Fortassis ciues inter , turbæque coortæ
Sint , iræque ; aut cui faciat fortuna malignè ;
Siquid amor cedat fratrum ; & sibi consulat uni ,
Sanctæque quis violet communis foedera vitæ ; 305
Denique relligio siquid , pietasque laborent ;
Tempore ades cunctis , quibus est usus mage , rebus :
Nullaque difficilis res est adeo , inquepedita ,
Quin citò conficias ; tanta est prudentia rerum ,
Tantæque vis linguae , & grauitas , probitasque , fidesque . 310
Vna sed insignis curas supereminet omnes
Illa , puellaris , fundas quod modo Virgo ,
Cura sodalitij : & Christo quas rite jugaras
Vittatas casto sponfas cum flore iuuentæ ,
Has tu multa doces ; quæ sint veniente canenda , 315
Quæque canenda die sint decedente per umbras
Carmina Sacra Deo : quid sit prece Numen & ipsum
Orandum , quibus atque modis : commissa piandum
Quanam sit ratio : ac multa vetasque , iubesque ;
Juraque

Juraque describis , legesque volentibus aequas ; 320
Quaeis stet pacta fides , sociae quaeis foedera vitae
Firmantur ; discant , faciant sua munia & omnes .
Et quoniam nihil est prorsus rectique , bonique ,
Quod non unanimis studiis ardentibus ultro
Lecta cohors faciat ; gaudes tu ; durus ut olim 325
Gaudet , apes aestate cauo qui cortice claudit
Agricola , & paruis figit noua tecta colonis ,
Cernit ubi iam feruere opus , pendere tenaces
Jam ceras , fluere & dulci iam nectare cellas .

Et iam terdenos aetatis conficiis annos , 330
Quum longa fessi mater , genitorque senecta
Decedunt , vitamque tua inter brachia ponunt ,
Hippolite prior ; & paruo pater intervallo
Post lunarum Agatho , Christi par nobile amantum .
Quaeis tu non lacrymis , non foemineis lamentis , 335
Sed votis operata pijs , iustisque solutis ,
Post longa exilia , aeternum grataris adepta
Aurea templa Deum , mensasque , epulasque beatas ,

Quid facias , modo quae tanta sis libera cura ,
Atque animo fixum illud sit , per tela , per ignes , 340
Per caedesque novos populos , noua subdere regi
Sponso regna , tuum testari & sanguine amorem ?
Scilicet hoc unum flagranti pectore versas
Noctes , atque dies ; unum hoc noctesque , diesque

Oras

Oras strata solo ante aras , simulacraque Diuum . 345
 Sed nec differri tuus amplius irrita ventis .
 Passus amor tua vota ; Vigil dum multa precaris
 Per noctem , ecce tibi munifester lumina clara
 Sese offert ; legio auratis insignis in armis ,
 Quem stipant circum iuvenes , sine corpore vitae ; 350
 Ipse autem picta in trabea , quinisque decorus
 Quos spargunt radiis clauorum , & signa veruti
 Quina , crucem fuluo ex auro , viridique smaragdo
 Arboream ingentem laena sustentat , amicis
 Teque his solatur dictis , atque occupat aegram : 355
 Ne tete mea tu , neu nos exerce precando
 Amplius id , dedimus dudum quod scilicet ultro ;
 Verum distulimus , tua dum foret auctior actas ,
 Atque ea par nostris ceptis . Nunc ire , subactos
 Et populos firmare animis : nostrisque solutos 360
 Legibus imperio tibi fas adiungere nostro .
 Tecum adero : & potui tantum qui in plebe meorum
 Bissena ; videat ; saxo quid fecmina in vna
 Nunc possim gens magna hominum ; tuque ipsa videbis .
 Vix haec , atque nouum ori , oculisque afflavit honorem : 365
 Et simul obducta actutum se nube recepit .
 Quo attonita affatu , praesenti & numine sponsi ,
 Colligit ut mentem primum , tenebrisque fugatis ,
 Rebus restitui cernis cum luce colores ,
 Exurgens

Exurgens delubra petis , Diuosque salutas 370
 Multa orans , donis onerans altaria multis .
 Tum res constituis : tuaque omnia diuidere ipsis
 Virginibusque tuis , turbis & pauperiorum
 Incipis , ut nequid possit tibi virgo perire .
 Quod signi quoniam poterat satis omnibus esse 375
 Quid strueres , subito concussi pectora ciues
 Se miserosque vocant , desolatosque per urbem ;
 Haud aliter trepidi , quam si vis ingruat hostium
 Improuisa , ipsas quatit iamque ariete portas .
 Ergo tuas raptim concurrunt undique ad aedes 380
 Cives , prima virum , matronarumque , tenere
 Si te quâ valeant , istoque auertere mentem
 Consilio . Sed ubi primum datur ora tueri ,
 Insolitaque vident tua scintillantia luce
 Lumina ; supra hominemque oris decus , atque decentem 385
 Mirantur faciem , maiestatemque verendam :
 Nilque tuas adeo voces mortale sonantes ;
 Quae tibi iamdudum addiderat tuus omnia sponsus ;
 Nolunt quippe Deo , placitasque obsistere causae :
 Sed tua cepta ferunt ad caelum laudibus omnes , 390
 Actam quandoquidem caelesti numine cernunt ,
 Teque Deo , quaecumque moues , auctore mouere .
 Quin super haec aliquem cunctis pro ciuibus unum
 Ore sonos videor tales audire cientem :
 Idecus ,

Idecus , i nostrum , quò te tua viuida virtus ;
 Quo te regis honos ; quò te pietasque , fidesque ,
 Religioque vocat . Te nouerit vltima Thule ,
 Te Tanais , Phasisque , & te Nilotica regna ,
 Tethios & quantum terrarum clauditur undis ,
 Locrorumque tuis factis fer ad aethera famam ,
 Quos omnes vultu acceptos laetoque , serenoque
 Absoluis paucis , habitu defixa propinquo .

400

Jamque dies , alterque dies processerat , ast quum
 Proxima praecipites vrget nox aetheris ignes ,
 Peruigil Euphemen conclamas , quae tua nurrix
 Jam fuerat . Haec prae cunctis magis vna fidelis ,
 Haec studioque pio , haec longo & magis vna probata
 Vsu : cui senior licet aetas asperet ora ,
 Procero tamen integrae sunt corpore vires ,
 Viribus atque ipsis animi praesentia major .

410

Delecta haec igitur , tibi quae comitetur eunti ,
 Seruitio ex omni vt coram astitit : Eia age mater
 Quid cessamus , ais ? duplicato & poplite terram
 Cum dicto petis ante tui paruam crucifixi
 Effigiem Sponsi , quae dextra à parte grabati
 Pendebat lino : tundens & pectora palmis
 Illum de caelo comitemque , ducemque viai ,
 Praesidiumque vocas tibi rebus in omnibus aequum .

415

Mox & consurgens , sanctum de pariete signum

C

Accipit

Accipis : admotumque ori , suspendis eburno 420

E collo , insertans protento guttura filo :

Collectoque sinu , laeuae veterisque , nouique

Sacra instrumenti supponis biblia : dextramque

Armas enodi baculo , taciteque per umbras

Aedibus à patrijs , patriaque excedis ab urbe . 425

Tempus erat , sparsis rident quum floribus herbae :

Idque horae , primum paruas quum sedula cantu

Excitat , exercetque suas noua pignora natas

Daulias : inque vicem arguto illae gutture matri

Cuncta iterant dociles , concentuque arua resultant , 430

Floribus arua nouis , tenuique micantia rore .

Sed non his Virgo mentem tu tangeris hilum :

Nam nouus ad bellum veluti quum mittitur , acri

Cui thyrsò laudis percussit corda cupido ,

Induperator ; iter dum corripit ad legiones , 435

Omnia , quae fieri possunt , praesentia fingit ,

Praesensque exequitur : censet , suppletque cateruas

Ipse suas : nunc castra mouet ; nunc admoet hosti ,

Armorum sonitu , cristisque undantibus horrens ,

Post longum & tandem certamen , re bene gesta , 440

Excipitur magno Capitolia ad alta triumpho .

Haud aliter Venerae ratio est , quae bella tyranno

Tanta mouet Stygio : verae & virtutis amore

Exardens ; adflare sibi nunc ipsa videtur ,

Et

Et facere in populi sat spissa verba corona :
 Nunc ad matronas adit , innuptasque puellas ,
 Atque hic multa docet ; hic multa docetque , refellitque .
 Inter nunc doctos homines , turbamque sophorum ,
 Multa inter mundi proceres , regesque superbos :
 Iudicis iniusti hic folio modo sistitur , ardet . 450
 Ille oculis , additque minas , ac territat armis .
 Pugnarumque genus nullum dirumque nouumque est ,
 Quod spe non auide praesumat : fortiter offert
 Denique licitori jugulum , palmamque potita ,
 Caelestum coetu , caelestes inter ouantes 455
 Accipitur victrix regnis fruitura beatis .
 Haec , huiusque modi ingrediens dum multa reuoluit ,
 Laetatur , fallitque viae fastidia longae .

Fama sed interea longinqua vel oppida complet ,
 Ignoram peregre à patria te virgo , profectam 460
 Esse pio fratrum studio , ac caelestis honore
 Excitam regis ; nec longius abfore , quin sit
 Jam cunctis data visendi , affandique potestas :
 Tanta Parascueus , Agathonis denique fama est .
 Sed tu nota petis quae proxima litora , dextram 465
 Carpere certa viam , & Siculas transmittere ad oras ,
 Agnosci minus à multis ubi rere : legisque
 Propterea propius quantum potes aequoris undas ,
 Siquis abire modus praesens sit : donec Halecem

*Transis , agris olim nostris qui terminus amnis ;
 Leucopetramque venis , dum carbasa forte secundis
 Traiecturus aquas expandit nauita ventis .
 Excipit ille autem , cum Sole & prorsus eodem
 Curuato bimaris sistit te litore Tapsi .*

470

*Felicem nimiùm Tapsum , felicia & urbis
 Ampla Syracusiae quae proxima moenia surgunt ,
 Magnanimam quibus est primis vidisse puellam ,
 Atque audisse datum , magno simul ore tonantem !
 Quantae hic diuitiae , pleno quas pectore fundit ,*

475

*Collectae ? quanta hic oculis excussa repente
 Caligo ? quanta & vestrae lux addita menti ?
 Nam nunc multa docet vulgò : nunc & sapientum
 Disputat in coetu , atque Scholas euertit auitas
 Grajorum : tantis assurgit viribus ipsa :*

480

*Nunc aeterna pijs sperandum gaudia vincit ;
 Aeternasque malis poenas in morte timendum :
 Nunc surdis aures , nunc reddit lumina caecis ,
 Nunc prope confectos morbo iubet esset valentes :
 Et nunc pulsa loco , veros referentia vultus ,
 Falsa minuatim frangit simulacra deorum .*

485

*Atque ubi visa sibi , hic curarum quod satis esset
 Expendisse , agros reliquos , felicia & illa
 Tarsensis magni agricolae sata semina in omnes
 Oras certa sequi , propiusque iuuare colendo ,*

490

Hinc

Hinc abit : ingrediensque viam , quae ducit ad austruos , 495

Oppida quot crassus , populosque , & rura Pachinus ,

Et Lilybes claudunt vada caeca , & saxa Pelori ,

Pleraque conuifit Venus omnia Virgo . Sed vnā

Haud Acym certè potuit conuifere . Nulla

Scilicet Acys erat tunc : nulla prioribus annis 500

Vsq̃uam Acys fuerat : nongentas nullaque prorsus

Vifa per aestates fuit Acys tempore ab illo .

Haud Venere ergo mea jactet sese Acys alumna ,

Ciuihus aut ullis , vlllo quos nomine claros

Scriptores vlli memorent : Seque efferat ipsa 505

Rebus , habet siquas , propriis ; nihil amplius optet .

Jamque triennali fuerat satis ille labore

Per te cultus ager : segetemque haud amplius illam

Lappaeque , tribulique necant : non horridus altè

Carduus assurgens vrit : nec dira venenat 510

Vis lolii , aut alia , est frugum quae plurima pestis ;

Quum , lembo inscensò , Rheginam transis ad urbem :

Postque peragratas omnes circum undique terras ,

Quotquot vtrumque supra pelagus concludit , & infra ,

Brundusio soluis , dexter dum spirat hyapix : 515

Vnoque attingis Phaeacum litora cursu .

Atque hinc Leucadiae portus , hinc & Cephalenis ,

Teque Ithacae excipiunt scopuli , & nemora alta Zacynthi :

Transque fretum Pylai , populique fere Elidis omnes .

Nec te non veteres viderunt Arcades , unde 520

Pastorum genus est nostrorum : Messenia & arva ,

Vnde tuus vates cognomina ducit Abedon :

Nec qui Taygeti pascunt juga , quique Erymanthi ,

Et qui fatidicum potant torrentibus undis

Cephusum , bacchatumque Eurotam undique ripis , 525

Argique , Spartaeque , Agamemnoniaeque Mycenae ,

Ruderibusque suis haud dudum effossa Corinthus .

Nam quos Virgo tuos animos sensusque fuisse

Crediderim , magno dum nomine conspicias urbes

Tot magnorum hominum matres , rerumque potentes 530

Quae fuerint , pene euersas , peneque sepultas ,

Vix uti nunc valeas ipsas cognoscere in ipsis ?

Qui pote non tantae nimis indoluisse ruinae ,

Et male non illi genti dixisse , adeo quos

Discordes animis transuersos egit inanis 535

Ambitio , leuitasque ingens , ac effraena libido ,

Culmine uti e tanto tantas stulti ruerent res ?

Prisci autem siquid decoris manet , artibus vnis

Palladis id servant , vnaeque tuentur Athenae .

Cui tu post Megaras succedens protinus urbi , 540

Impigra opus ceptum vrges , ac mortalia passim

Pectora abundanti perfundis flumine linguae :

Sustollensque altè jam pactae insigne salutis ,

Foedera conclamas Christi percussa cruore .

Cives

*Cives hîc autem studio novitatis adesse
 Omnes , atque tuo pendere loquentis ab ore ,
 Tanta admirantes verborum pondera , tamque
 Eximium formae decus ; & tua dicta probare .
 Nec mora , nec requies , alias excurris ad oras ,
 Omnia collustrans latè loca , quae mare circum ,
 Aemoniusque Oetas claudit , Pindusque nivalis .
 Nullusque est adeo populus , quin jussa faceſſat ,
 Legesque accipiat sanctas : sic mollia fando
 Fingis corda premens ; sic sponsus & adjuvat ipse .*

550

555

*Haëtenus ex animo procedunt omnia : quamvis
 Non satis ex animo vitas , quae plurima passi
 Heroes illi magni , per tela per hostes
 Qui crucis intulerunt primi victricia signa
 In partes terrarum omnes ; & sanguine fuso
 Projecere animas : quorum stat facta imitari .
 Nanque animos aequos facile , mentemque benignam
 In te , nempe suam , vanissima Grajugenarum
 Gens subito accepit , summae dans id sibi laudi ,
 Vel tales gignat si Greacia docta puellas .
 Res alia at verò , varios si moribus usquam
 Mortales attentes , barbariemque lacesſas .
 Ergo ubi Chaonios saltus , & litora tandem
 Pervadis , rate conscensa , pelagoque remenso ,
 Italiam repetis , Romam impietatis ad ipsam*

560

565

Acce-

Accelerans arcem . Quam demum ingressa , frequentem 570
Saepe doces populum vitae praecepta beatæ :

Incusansque hominum scelerosa atque impia facta ,
Veridicis purgas mortalia pectora dictis .

Et jam sponsus adest , viresque , animosque ministrat :

Verbaque dat, verbisque fidem; datque omnia, quæ vis , 575

Te posse efficere , humanos superantia sensus .

Jamque facis passim innumeralia lucra animarum :

Lucra tamen , quæ penè tuo tibi funere consistunt ,

Ni tu lucra putes , caris pro fratribus omne

Supplicium , & quanvis letum crudele subire 580

Sed tu caeca nimis gens perfida Judaeorum !

Nempe tibi haud magnum satis insanisse videris ,

Caelestem diro mergis dum funere regem ;

Illius extinguas nisi nomen , discipulosque

Insectere odiis : quin tete respicis ipsam , 585

Quam sis exul inops , magnum dispersa per orbem ,

Et superis simul inuisa , & mortalibus aequus ?

Ecce tua modo fit culpa studioque maligno ,

Tam grave uti nostrae , placido vel tempore , bellum

Insurgat subitò Venerae . Sed perdis & omnes 590

Hic etiam vires incassum : quoque acrius urges

Eruere , hoc Christi regnum magis una propagas .

Et jam non illam possunt aut mollia fatu

Vllius , aut minimùm crudelia flectere dicta ;

Non

Non carcer, manicaeque morvent; non lamina, & ignis;

Lactea sacrato non vbera pectore vulsa,

Robora non duplicis ligni, clavique tenaces;

Nec super imposita scopuli pars magna jacentem:

Omnia enim superat victrix, & munere sponsi

Sana vices nullas vitat, rerumque pericla:

600

Quin, ingens veluti sublimi in vertice Tauri

Proceros dura ramos attonsa bipenni

Ilex, majores & opes, viresque, animosque

Per damna, & caedes ferro sibi quaerit ab ipso.

Fortunata nimis! cupida quod mente petebas,

605

Tormenti haud ullum desit genus. Vndat ahenum,

Exultatque labris seruo, pice crasso, & olivo.

Tuque rosas inter veluti versere, frequentem

Alloqueris placide turbam, quantumque videntem;

Viventemque Deum, lapidesque, & numina ligna

610

Interfit monstras, quorum nil tale viderent.

Jamque omnes fremere, & jam sacra abolenda priorum;

Cessandum & vanis rerum, clamare; satis jam

Sanguinis innocui fusum; populata sat arva

Agricolis; sat vastatas & civibus urbes:

615

Jamque adeo exiliens medius non Orphitus ipse

Urbi Praefectus potis est compescere plebem

Exultantem animis, fustesque & saxa minantem,

Dum tamen ingenti nequicquam voce quiritat;

D

Nilque

Nilque admirandi hic omnino praedicat esse , 620
 Monstrique , extinctis si frigeat ignibus olla ;
 Ecce oculos subito ferventi aspergine massae
 Perfusus , dulci privatur lumine solis :
 Tendentem verò duplices ad sydera palmas ,
 Et sua damnantem crudelia & impia facta 625
 Tranquillo esse jubes animo : simul omnibus altè
 Visa hominum nullo , mirum ! molimine tolli ,
 Ac terrae stanni , haud vestes , haud laesa capillum : &
 Concinnare lutum sputo , Christi inque vocato
 Nomine , signare illi oculos , ac reddere lucem . 630

Fortunata animi ! tacitum quae gaudia pectus
 Pertentasse tuum dicam , quum tanta videres
 Tam parvo tibi stare lucra ? Hic jam millia multa
 Sunt hominum quaesita Deo : quaesitus & ipse
 Orphitus in primis , claro qui cedit honori , 635
 Omnibus & rebus caeli correptus amore .
 Aspera nulla tibi tamen hic speranda supersunt ,
 Conversis hominum studiis : aliaeque petendae
 Orae , si quaeras . Est proxima Thuscia , fibras
 Scrutari solers pecudum : est antiquus & Vmber , 640
 Plurimus errores etiam qui nutrit avitos .
 Sunt Ligures : sunt & Galli , tua busta , togati :
 Totque aliae gentes : sed te miseratus ab alto ,
 Quam tres atque decem legatio longa fatigat

Annos ,

Annos , haud patitur differri praemia , laudi
Quae sint digna tuae ; Mediolanumque dat esse
Tantum requiem Genitor , metamque laborum .

27
645

O nimium vero felix Agatonia Virgo !
Quae si non patria in Locro , saltem urbe parentum
In patria occumbis , collum submissa securi :
Ut neque cognatae aut lacrymae , aut funeris ullus
Desit honos : multo ante alias felicior autem ,
Quae decore aucta novo , quod adhuc tibi contigit uni ,
Ingredieris magno insignis super astra triumpho ,
Aurata triplici a sponso redimita corona .

650

655

Salve diua Venus , virgo o fortissima salve :
Haud alia , intacto aetatis quae flore , profusa
Atque anima , aeterni sit Regis adepta hymenaeos :
Audeat ire prior ; tecum & contendere honore .
Illum incedentem per lilia tu Genitricem

660

Proxima post magnam , claro spectabilis auro ,
Pictaque in palla sequeris , ductasque choreas .
Aspice nos oro : ac tantas miserata ruinas
Communis patriae , meliorem , da prece , mentem
Accipiant cives . Vigeat da caetus in aevum

665

Pastorum noster : nihil & , te praeside , iniqui
Aut ferat , aut faciat : longum & da vivat Abedon ;
Quo parere ipse queat quae plurima parturit , & te
Saepe alias , aliisque modis celebrare canendo .

E J U S D E M
I N E A M D E M
C A R M E N A N N A L E.

I

*Nobis quandoquidem sacer
Festus est Veneri dies
Tandem redditus ; & piam
Nostrorum aspiciamus manum
Jam coisse frequentem .*

2

*Vates eja agite o boni
Sertis tempora frondeis
Velati , calamos leves
Inflate , & nemus insonet
Cantu suaviter omne .*

3

*Dicenda est Venus aurea ;
Non ea quæ Idalium regit
Frondosum , aut veterem Paphon ;
Piscosamve Guidon , maris
Nata fluctibus atris ;*

Sed

4

*Sed quæ dives Aletium ,
 Pisauri & juga florea ,
 Cytæumque ferax , Locrum
 Et suorum a deo volens
 Altas incolit arces ;*

5

*Quam provectior edidit
 Annis Hippolyte , Padi
 Hympharum una , ubi vitreus
 Lene defluit , aruaque
 Findit nostra Novitus*

6

*Vix in luminis editam
 Auras , diva suo sinu
 Excipit Sapiencia ;
 Immulgetque meri
 Lactis ubera plena .*

7

*Tum casto teneram locat
 Lecto , qui liquidis fragrat
 Caeli semper odoribus ,
 Ac apud se alit ut suam ,
 Educatque puellam .*

Hinc

*Hinc ea vis animi , hinc fides ,
 Hinc ea pietas fuit ,
 Morumque hinc ea sanctitas ,
 Veri & hinc amor , omnium
 Et prudentia rerum .*

*Multos nostra quidem tulit .
 Vrbs olim Sophiae viros
 Praeclaros studiis , bonos
 Et formare alios bonis
 Multas legibus Vrbes ,*

*Multosque , egregiis item
 Factis militiae & domi
 Alto qui patriam polo
 Aequearunt ; tamen una est
 Omnium Venus instar ,*

*Quidquid Grajugenum scholae
 Artium doceant , sacra &
 Quidquid utraque pagina
 Sancti contineat , tenet
 Omne , proque fisetur .*

Ergo

*Discendi studio excita
Ingens turba hominum; ad domum
Nemoque est, melior suam
Quin subinde revertat.*

13

*Non enim rigidas modò
Verbis tradere regulas
Virtutis placet: omnia
Sed quaecunque docet, simul
Sanctis moribus implet.*

14

*Et jam casta viro fidem
Servat sanctius vxor, &
Florem virgo frequentius
Aetatis sacrat iutegrum
Caelesti innuba sponsa.*

15

*Jamque justitiam colit -
Quisque civis, & omnia
Omnes officia in Deum
Implent, in patriam, & suos,
Vt peccent prope nulla.*

Haec

Haec domi Venus haftenus .

Ast longe a patria procul

Quae post grandia gesserit ,

Hanc habent vim , uti fortium

Vincant facta virorum .

Christi nomen in ultimas

Terras ferre , & amabili

Illius populos jugo

Certa subdere , nil timet

Mille adire labores .

Tu vero superum patri

Virgo carior una ; cui

Mentem eam pater addit ; &

Cui tantos animos , pares

Et vires animis dat .

Non te dura viae movent ,

Infidi insidiae aut maris ,

Non aestus , pluviae , nives ;

Facta non hominum impia ,

Rerum & mille pericla .

*Quis vero queat aspera ,
Quisve suavia dicere ,
Quot tibi insula Sicelis ,
Quotque ora Ausonis utraque ,
Ac gens Graja crearit .*

21

*Illa sed superant mala ;
Illa sed superant quoque
Virgo plus nimio lucra ,
Quae septemgemma manent
Te Mavortis in urbe .*

22

*Vincla hic , sectaque fortiter
Suffers vbera . & hic cruces ,
Clavosque , & scopulos super
Impositos , oleo , ac pice ,
Et ferventia athena .*

23

*Ast hic innumerabilis
Regi dat populus tamen
Christo nomina : & integra ;
Virtute illius hinc abis ;
Inceptumque opus urges :*

E

Tan-

*Tandem abscissa caput , Padus
Prata rex ubi fluminum
Dividit , subis aurea
Victrix templa Deum , poli
Cives inter ovantes .*

*Ergo o docta cohors , boni
Pastores bona dicite
Nostrae carmina Virgini ,
Nunc ; & illius annua
Laeti festa novemus .*

F I N I S

laetari 249. arbuta , 311. omnes 348. manifestus 490.
minutatim 598. imposta 607. pice , crasso ,

I M P R I M A T U R

Si videbitur Reverendissimo Patri Magistro Sacri
Pal. Apostolici.

F.M. de Rubeis Patriarcha Const. Vicefg.

I M P R I M A T U R

Fr. Vincentius Elena Ord. Præd. Reverendiss.
P. Mag. Sacr. Pal. Apost. Soc.

